

Premi grischun da cultura, premis da renconuschiantscha e da promoziun 2015

1. Il premi grischun da cultura 2015 vegn surda a

Christian Schocher

en renconuschiantscha da sia ovra da la vita sco artist che ha influenzà ed enritgì il film svizzer nà dal Grischun cun ses films documentars engaschads e cun ses films dramatics stinads. Il premi è dotà cun 30 000 francs.

2. In premi da renconuschiantscha da mintgamai 20 000 francs vegn surdà a:

Linard Candreia

en renconuschiantscha da sia activitad publicistica multifara en favur da lingua e cultura e per sias prestaziuns sco autur da litteratura populara rumantscha.

Luis Coray

en renconuschiantscha da sia activitad artistica autentica, en spezial per sias prestaziuns sco chantatur pionier, sco pedagog da malegiar e sco pictur artist.

Rodolfo Fasani

en renconuschiantscha da sia premura modesta e reservada per la poesia sco art, cun il qual el exprima ses mund intern, laschond reflectar quel tgi legia sias poesias il senn da la vita e dal viver.

Marianne Fischbacher

en renconuschiantscha da ses engaschament per il mantegniment e per l'intermediaziun da la ritga cultura da la Surselva e da sia lavur perseveranta per ils museums e per ils archiv culturalis en il Grischun.

Ursina Lardi

en apprezzaziun da sia prestaziun sco artista variada e flexibla che vegn renconuschida en Svizra ed a l'exteriur per sia represchentaziun en il film e sin tribuna.

Zilla Leutenegger

en renconuschiantscha da sia ovra en svilup sco dissegnadra, fotografa ed artista da video che arriva da sa mover en moda virtuosa tranter las dimensiuns e da crear tras quai muments poetics ed empatics.

Chasper Pult

en renconuschiantscha da ses engaschament passiunà e multifar per la cultura e per sia activitad creativa en favur da la plurilinguitad e da la convivenza da las culturas.

Armando Ruinelli

en renconuschiantscha da sia ovra architectonica in Val Bregaglia, caracterisada d'ina integritad vivida ch'è en cas da colliar en moda e maniera autentica la fascinaziun da la tradiziun cun l'eleganza dal modern.

David Sontòn Caflisch

en renconuschiantscha da sia activitad engaschada sco fundatur e manader artistic da l'ensemble ö! e da sias prestaziuns excellentas sco cumponist e musicist che ha mess l'accent sin la musica nova.

Communicaziun da la regenza, chanzlia chantunala dal Grischun, 7000 Cuir

3. In **premi da promoziun** da mintgamai 20 000 francs vegn surdà a:

- Astrid Alexandre, musicista
- Micha Bietenhader, artist figurativ
- Balzer Collenberg, musicist
- Anja Conzett, schurnalista
- Bettina Herrmann, chantadura
- Markus Majoleth, musicist
- Francesca Nussio, istoricra
- Pia Valär, illustratura

Gremi: regenza

Funtauna: rg chanzlia chantunala dal Grischun

Data: 27-08-2015